


AN POLONG SAN DIOS



SAYU NGA CORSO PINAAGI SA MGA SURAT

Waray: John Lesson

Hinigugma ko nga estudyante,

Iton sayu nga kalipay an maghalad sa imo sini nga pag-aradman an Polong san Dios. An imo pag-aadman nga libro mao an Ebanghelyo sumala kan Juan. Iton nagsasaysay san kinabuhi san aton Ginoo nga si Cristo. Kami maglalaum nga an kurso. makalipay sa imo ngan magin sayu nga tambulig sa imo kinabuhi.

An kurso mayyaon seksiyon san mga iksamen sa butnga sini nga libro. Sa pahina 2 san mga iksamen imo maaagian an detalyado nga kasugoanan para sa pag-aram sini nga kurso.

Liksiyon 1

SAN AN DIOS MAGPAKANHI SA KALIBUTAN

Kasugoanan para sa estudyante:

1. Basaha an Ebanghelyo sumala kan Juan, capitulo 1, versikulo 1 ngadto sa 18.
2. Basaha an liksiyon dinhi sini nga pahina.
3. Batuna an mga pangutana sa iksamen 1.

Dinhi sini nga libro nag susumat si Juan mahitungod san kinabuhi san aton Ginoo nga si Jesu-cristo. An Anak san Dios nga nagpakanhi sa kalibutan agud magsumat mahitungod san Iya Amay Si Cristo gintawag an Polong san Dios tungod an Dios nakikipag-istorya sa tawo pinaagi kan. Cristo sugad nga Iya tagapagbagaw. Kon aton pamatian an tingug ni Cristo dinhi sini nga libro, aton napapamatian an Polong san Dios.

ANTIS MAGPAKANHI AN POLONG SAN DIOS, versikulo 1-5

Diri kita maaram san eksakto nga petsa kon san-o ginhimo an kalibutan Ini nakanhi maiha na nga panahon. Antis Ini, an Polong kaupod na san Dios. An Polong gintawag liwat nga Anak san Dios. An Dios an naghimo san ngatanan nga mga butang. Ngatanan nga mga butang nga naiimdan ngan an ngatanan nga mga butang nga diri naiimdan, nahimo pinaagi sa Dios. An ngatanan nga mga butang nahimo pinaagi san Dios Anak, versikulo 3. Dinhi sini, aton makikita nga an Anak diri hinimo san Dios kondi adton Anak an naghimo san ngatanan nga mga butang nga naeksester.

An polong gintawag liwat nga Kahayag tungod Iya ginpapaimod o ginpapadayag sa mga tawo an dalan ngadto sa Dios

SAN AN POLONG SAN DIOS MAGPAKANHI SA KALIBUTAN, versikulo 6-18

Kon an hadi maghunahuna sin sayu nga pagbiyahe, nagpapadara siya una sin sayu nga surogoon o sayu nga represintante para igpasabot an iya pag-abot. San igpadara san Dios an Polong nganhi sa kalibutan, ginsugo una si Juan nga Baptist agud magsumat san pag-abot san Anak sa Dios, versikulo 6. Diri si Juan an kahayag, kondi sinugo agud magpamatuod mahitungod sadton Kahayag. Karuyag niya nga ngatanan tumoo kan Cristo.

An kalibutan nahimo pinaagi kan Cristo, an Anak san Dios. Sugad man, san Siya magpakanhi sa kalibutan, an Iya lugaringon nga mga tawo waray karawata Siya ug waray kilalaha siya. Sugad man, adton nga nakarawat sa Iya ngan adton nga makarawat sa Iya yana ginhimo nga anak san Dios. Agud maeksperyensiyahan ug makarawat an bag-o nga pagkatawo sugad nga sayu nga anak san Dios, kinahanglan gud nga karawaton si Cristo. Ini mao an pagtoo san Iya Ngaran. Ngatanan sira nga natoo dida san Iya ngaran gintagan sin gahum nga magin mga anak san Dios , versikulo 12. Bisan kon an mga kag-anak mga anak san Dios, ini diri makakahimo san ira mga anak sayu nga anak san Dios. Diri niya kaya himoon an iya kalugaringon nga sayu nga anak san Dios. Waray bisan sayu dinhi sa kalibutan nga kaya himoon an sayu nga tawo nga anak san Dios. Pinaagi gudla sa pagtoo ngan pagkarawat kan Cristo an sayu nga tawo mahihimo nga anak san Dios.

“Kay kamo ngatanan mga anak san Dios pinaagi sa pagtoo kan Cristo Jesus” (Galacia 3:26).

“Sugad nga natawo utro diri sa madinunuton nga gahi, kondi sa diri madinunuton pinaagi sa polong san Dios nga nabubuhi ngan nagpapabilin sa kadayonan” (I Pedro 1:23)

“Nga iginpanganak diri san dugo, o san unod, kondi sa Dios” Juan 1:13).

Liksiyon 2

AN MGA DISIPULO NI CRISTO

Kasugoanan para sa estudyante:

1. Basaha an Ebanghelyo sumala kan Juan, capitulo 1, versikulo 19 ngadto sa capitulo 2 versikulo 25.
2. Basaha ini nga liksiyon.
3. Batuna an mga pangutana sa iksamen 2.

Didto sa una nga liksiyon aton naimdan nga si Jesu-Cristo mao an Anak san Dios. Siya mao liwat an Polong san Dios ngan an Kahayag. Pinaagi sa pagkarawat sa Iya ngan pagtoo dida sa Iya, an sayu nga tawo nahimo nga sayu nga anak san Dios.

SI JUAN NAGBAGAW SA MGA TAWO MAHITUNGOD KAN CRISTO, capitulo 1, versikulo 19-34.

May mga tawo nga sinugo tikang sa Jerusalem agud pakianhan si Juan kon siya mao an Cristo. An iya iginbaton, “Ako mao an tingug” (versikulo 23). Siya nagsugad nga siya nagpakanhi la agud igpahayag si Cristo sa mga tawo. Sa sinunod nga adlaw naimdan ni Juan si Jesus ngan nagsugad Kitaa an Cordero san Dios, nga magkukuha san sala san kalibutan”(v-29).

Agud matanggal an sala, si Cristo angay mamatay sugad nga sayu nga Cordero. Iya iginhatag an Iya kinabuhi agud kita diri na mamatan tungod san aton mga sala. Mao iton an rason nga gintawag ni Juan si Jesu-Cristo an Cordero san Dios. Maaram siya nga si Cristo mao an Anak san Dios. (v. 34).

AN SIYAHAN NGA MGA DISIPULO NI CRISTO, capitulo 1, versikulo 35-51.

San magsugad si Juan nga si Jesus makakagkuha san mga sala, an iba naruyag pagsunod kan Cristo. Malipayon mga ginkarawat sira ni Jesus. (v.39). An sayu sa ira mao si Andro. Iya gindara si Simon Pedro ngadto kan Cristo (v.41-42).

Sa sinunod nga adlaw naimdan ni Cristo si Felipe ngan nagsugad, “Sunod sa Akon”. Gin-imbatar ni Felipe si Natanael nga kumadto ngan imdan si Cristo. Ginkilala ni Natanael nga si Cristo mao an Anak san Dios ngan an Hadi sa Israel. Ini nga mga lalaki namati san tawag ni Cristo ngan nagsunod sa Iya.

AN SIYAHAN NGA MILAGRO, capitulo 2.

Si Jesus, an Iya iroy nga si Maria, ngan an Iya mga disipulo gin-imbatar ngadto san kasal didto sa Cana san Galilea. Ginhimo ni Jesus an tubig nga maopay nga irimnon. Si Maria diri makakahimo sini ngan nagtugon sa mga disipulo, “Bisan nano nga iya igsugad ngada sa iyo, buhata niyo” (v. 5). Ginbuhat ini ni Jesus nga milagro sugad nga sayu nga tigaman ngadto sa Iya mga disipulo nga Siya mao an Anak san

Dios. Kahuman sini, Siya nagbuhat sin damu pa nga mga milagro.

Ngan an Ginoo nagpakadto sa Templo ngan ginpaiwas adton mga nagninigosyo sa sulod sa Templo san Dios. Iya ginsumatan sira nga Iya ighahatag an Iya kinabuhi ngan mababanhaw. Damu an nagsugad nga sira natoos dida sa Iya ngaran (v.23), kondl maaram Siya sa mga kasingkasing san kada sayu. Kon ikaw ungod nga natoos kan Cristo, nga Anak san Dios ngan Cordero san Dios, kakarawaton ka Niya, hihimoon ka sayu nga Anak san Dios.

Liksiyon 3

**AN MAOPAY NGA LALAKINGAN
AN MAKASASALA NGA BABAYE**

Kasugoanan para sa estudyante:

1. Basaha an Ebanghelyo ni Juan, capitulo 3-4.
2. Basaha ini nga liksiyon.
3. Batuna an mga pangutana sa iksamen 3.

An Anak san Dios nagpakanhi sa kalibutan agud buligan an katawhan. Siya nagbohath sin dagku nga mga milagro agud an ngatanan mahibaro nga Siya tikang sa Dios. Siya nagsumat ngadto sa ngatanan san gugma san Dios ngan kon paonan-o sira maluwas.

AN PINUNO SAN MGA JUDIO, capitulo 3

Si Nicodemu sayu nga maopay nga tawo. Siya sayu nga relihiyoso nga magturutdo sa Israel ngan pinuno san mga Judio. Siya nag-aampo kada adlaw ngan nahatag sa mga pobre. Siya natoo nga ini nga mga butang nakakalipay sa Dios. Kondi si Jesus, nga Polong sa Dios, nagsugad, "Labot nga an tawo ipanganak utro, siya diri makakaimod sa ginhadian san Dios. Aton naimdan dida san mga nahiuna nga mga liksiyon nga an sayu nga tawo nagigin-anak san Dios kon natoo kan Cristo ngan nakarawat sa iya sugad nga manluluwas. Ini gintatawag nga an bag-o nga pagkatawo tungod ini nahinabu sa kaihaan ngan iba nga panahon katima san aton lawasnon nga pagkapanganak dinhi sini nga kalibutan.

Si Nicodemus waray makasabot sini, Sugad pa man, ginsumat ni Jesus ngada sa iya an gugma san Dios ngan kinarawat niya ini. Sa versikulo 16 nagsusumat sa aton nga an gugma san Dios daku gud, nga Iya iginhatag an Iya Sayu ngan Mao gudla nga Anak tungod san aton mga sala. An sin-o man nga nagtotoo nga si Jesu-Cristo mao an Anak san Dios nakakarawat sa dayon nga kinabuhi. Waray sin pagkakaiba nano man kamaopay o nano man karilihiyoso nga tawo, siya nanginginahanglan matawo utro. An Dios nahigugma sa imo ngan iginhatag an Iya Anak agud ikaw magkayaon sin kinabuhi dida sa Iya. Kay nano nga diri mo toohan ini nga kamatuoran ngan karawaton Siya sugad nga personal nga manluluwas?

Si Juan an Baptist karuyag nga an ngatanan magsunod kan Cristo.

Pirme Iya ginhihimaya o iginhahatag an pagdayaw kan Cristo. Sa versikulo 36 nagsusumat sa aton nga an Dios iginpapadayag an Iya kalugaringon kontra sa ngatanan nga diri natoo san Iya Anak.

AN MAKASASALA NGA BABAYE NAGKARAWAT KAN CRISTO, capitulo 4.

Katima sini, si Cristo kinadto sa Samaria. Siya pagal ngan nangaro sa babaye nga Siya tagan sin tubig nga maiinom. Sa tinikangan, siya diri gud tangkod. Iya ginsumatan an babaye nga Iya siya tatagan san buhi nga tubig. An babaye naruyag san tubig san kinabuhi, kondi siyahan angay iya masabtan nga siya sayu nga makasasala t., 18). Kon an tawo diri makaabat san iya panginginahanglan, diri siya makadto kan Cristo para sin tambulig. Si Jesus nagsumat sa babaye nga siya mao an Cristo (v. 25-26). An babaye ginikan dayon ngan ginsumatan an iba nga naagian niya an Cristo, an Manluluwas.

Sayu nga lalaki kinadto kan Cristo, ngan nanginyupo sa Iya nga bulongon an iya anak (v.47), An lalaki ungod god nga natoo nga-matatapo ni Jesus an panginginahanglan san iya anak, ngan gin-opay siya san Ginoo. An Anak san Dios nahigugma sa ngatanan nga mga tawo ngan iginhatag an Iya kinabuhi agud sira maluwas.

Karuyag mo ba maeksperyensiyahan an bag-o nga pagkatawo? Karuyag mo ba magkayaon sa Tubig san Kinabuhi?

Liksiyon 4

SI CRISTO NAGBUBULIG SA MGA TAWO

Kasugoanan para sa estudyante:

1. Basaha anEbanghelyo sumala kan Juan, capitulo 5 ngan 6.
2. Basaha ini nga liksiyon
3. Batuna an mga pangutana sa iksamen 4.

Aton nakit-an nga an Anak san Dios nagpakanhi sa kalibutan, pagbuhat san kaburut-on sa Dios. An Dios nahigugma sa ngatanan. Si Cristo an hingyap pagbulig sa ngatanan. Dinhi sini nga liksiyon, ginbuligan ni Cristo an sayu nga lalaki nga nagkasakit sulod sin 38 katuig ngan katima sini nagpakaon si Jesus san 5000 nga mga tawo.

AN LALAKI NGA NAGKASAKIT SULOD SIN 38 KATUIG, capitulo 5.

Damu nga mga magsakit nga tawo an nakada san pariguan, naghuhulat san pagkiwaha san tubig. Mayda sayu nga diri nakakalakaw ngan naghihinulat sin maiha na nga panahon, tungod siya waray tawo nga nabulig sa iya. Kondi, an Anak san Dios naghatag sa iya sin kusog agud maalsa niya an iya higdaan ngan maglakaw sin nagsasayuan.

Ini an hinungdan sa iya paglipay, kondi an mga Judio nalangot kay an pag bulong nahinabo san sabado, an iparahuway, an kanan Judio baraan nga adlaw. Maopay yana an pag-oberbar sa Domingo sugad nga kanan Ginoo adlaw ngan diri magtrabaho kondi an Anak san Dios pirme andam pagbuhat sin maopay sa bisan san-o nga adlaw sa bisan diin nga lugar. Si Jesus nagbaton nga Iya ginbubuhat adton Iya naimdan nga ginbuhat san Iya Amay , (v.19). An Amay nahigugma sa Iya Anak ngan naghatag sa Iya gahum pagbanhaw sa mga minatay ngan sa paghukom sa ngatanan nga mga tawo,(v. 20-22).

Si Juan nagpamatuod san kamatuoran mahitungod kan Cristo (v. 33). An mga trabaho nga kan Cristo ginbuhat nagpamatuod nga Siya Anak san Dios (v.36). An Dios Amay liwat nagpamatuod nga si Cristo mao an Iya Anak ngan an Manluluwas (v 37). Ngan damu pa liwat an mga kasuratan nga nagpamatuod san kamatuoran nga si Cristo mao an Anak san Dios ngan an Manluluwas (v. 38 agan 39). Adton diri natoo kan Cristo sugad nga Anak san Dios diri maluluwas

SI CRISTO NAGPAKAON SAN LIMA KAYUKOT, capitulo 6.

San an mga tawo waray sin pagkaon, ginkuha ni Cristo an lima nga tinapay ngan an duha nga digtoy nga isda, ngan ginpadamu ini, salit nagdamu para sa ngatanan. San an mga tawo makaimod sini nga milagro, sira nagsugad nga siya sayu nga propeta ngan sira nagporbar pagpirit nga himuon siya nga Hadi. Damu yana an andam pagsunod kan Cristo kon sira makakarawat materyal o kuwarta nga mga bendisyon. Kondi, si Cristo diri nakarawat sadton mga hepokrito o mayyaon makinaiya nga motibo o mga rason.

Katima sini si Cristo naglakaw sa tubig (v. 19), waray sin-o man nga makakabohat sin sugad siton nga mga milagro kon waray an Dios. Sini nga rason aton angay pamatian ngan igpasabot an mga polong ni Cristo sa mga tawo. An Anak san Dios gudla an makakahatag sa aton sin kinabuhi nga waray katangpusan (v. 35 ngan 47). An iba nga mga Judio karuyag an tinapay san kinabuhi (v.34) kondi san si Jesus magbagaw sin kusog, sira waray magpadayon (v.60 ngan 66). Ngan si Jesus nagpakiana sa Iya mga disipulo kon sira mabaya liwat. Si Pedro nagbaton,”Ginoo, kan kanay kami makadto?” Ikaw an may mga polong san dayon nga kinabuhi (v. 68). “Ngan kami natoo ngan nakakasiguro nga ikaw an Cristo, an Anak san buhi nga Dios”,(v. 69). Bisan pa kon may damu nga mga butang an imo diri naiintindihan, tumoo ka sa Iya ngan magkakamay-ada ka kinabuhi nga waray katangpusan.

Liksiyon 5

**AN TUBIG SAN KINABUHI NGAN
AN KAHAYAG SAN KINABUHI**

Kasugoanan para sa estudyante:

1. Basaha an Ebanghelyo sumala kan Juan, capitulo 7 ngan 8.
2. Basaha ini nga liksiyon.
3. Batuna an mga pangutana sa iksamen 5.

Iginpakita ni Cristo sa mga Judlo pinaagi san Iya dagku nga mga milagro, nga Siya mao an Anak san Dios. Sugad man, san sira waray makaintindi san iba nga Iya mga polong, sira diri andam pagtoo dida sa Iya.

SI CRISTO NAGHATAG SIN TUBIG SAN KINABUHI, capitulo 7.

An mga kabugtoan ni Cristo (an mga anak ni Joseph ngan Maria) sa tinikangan waray tumoo dida sa iya (v.5). Siya waray umupod sa ira pagkadto san piesta. San si Jesus kumadto sa Templo, Siya nagtutdo (v. 14). Si Jesus nagsugad, “Kon an sin-o man nga tawo an magbuhat san Iya kaburot-on, mahihibaruan niya an doktrina, kon iton tikang sa Dios o kon Ako nagbabagaw sa Akon kalugaringon (v. 17). Ini kamatuoran la gihapon yana! Mahihibaruan mo ngan mabubuhat an kaburut-on san Dios!

Dida san katapusan nga adlaw san piesta, si Cristo nagsugad nga Iya ighahatag an Tubig san Kinabuhi ngadto sa ngatanan nga maduok sa Iya (v.37). Siya liwat nagsugad nga an sin-o man magtoo dida sa Iya, mga salog san buhi nga tubig an maawas tikang siton nga tawo ngadto sa iba. Waray bisan sayu nga ungod nga magiginmalipayon kon waray si Cristo. Kon ikaw magtoo sa Iya, ikaw makakasumat liwat sa iba mahitungod sa kinabuhi nga waray katangpusan.

An iba nagtoo nga si Jesus sayu la nga propeta, diri an Cristo. An mga Fariseo karuyag nga aristohon siya. Kay san ira mabatian an Iya mga polong, sira nagsugad, “Waray pa gud sin tawo nga nagbagaw pareho sini nga tawo.” Naruyag ka ba san kan Cristo ginbagaw? Tumoo ka dida sa Anak san Dios yanal

SI CRISTO NAGHATAG SIN KAHAYAG SA KALIBUTAN, capitulo 8.

An mga Fariseo nagdara ngadto kan Jesus sin babaye nga paralibog.

Tungod sini nga sala san babaye, ira karuyag nga patayon siya pinaagi sin pagbalong sin mga bato. Si Cristo nagbaton pinaagi sin pagsugad, “Siya nga waray sin sala sa iyo, siya an una nga magbalong sin bato sa iya.” Si Jesus mao gudla an sayu nga nakada nga waray sin sala, kondi waray Niya hukmi an babaye. Siya waray magpakanhi agud maghukom kondi agud magluwas, ngan Siya nagsugad ngadto sa babaye, “Kadto ngan ayaw na pakasala.”

Katima, Siya nagsugad, “Ako an kahayag san kalibutan.” An ungod nga kahayag ginhihimo nga maimdan naton an aton mga sala ngan ginpapakita sa aton an dalan pakadto sa langit. Kita diri makakakadto sa langit labot kon an aton mga sala ginkuha na. Iginpaimod ni Cristo sa aton an aton sala ngan andam kuhaon an aton sala. Ikaw puwede mahibaro nga an imo sala ginkuha na.

Siya nga nagbibinuhat mga sala sayu nga surogoon san sala.(v.34) Kita waray nahihimo kondi sala. Kinahanglan naton an gahum agud diri makasala. Si Cristo nagsugad, “An kamatuoran an maglilibre sa iyo”(v.32) An Biblia naghatag sa aton san kamatuoran mahitungod sa Dios ngan nagsusumat mahitungod san Anak san Dios. Ikaw sayu nga makasasala. Toohi an kamatuoran ngan karawata an Anak. Ngan ikaw magigin malaya.

Liksiyon 6

AN BUTA NGA TAWO NGAN AN MAOPAY NGA PARAGMANGNO

Kasugoanan para sa estudyante:

1. Basaha an Ebanghelyo sumala kan Juan, capitulo 9-10.
2. Basaha ini nga liksiyon.
3. Batuna an mga pangutana sa iksamen 6.

Aton nakita nga si Cristo Jesus mao an Polong, an Anak san Dios, an Cordero sa Dios, an kahayag sa kalibutan. Sa capitulo 9, Siya naghatag kahayag ngadto sa sayu nga tawo nga iginpanganak nga buta.

AN BUTA NGA TAWO NAKAKARAWAT SIN PANAN-AW, capitulo 9.

Sayu nga tawo nga buta tikang ig-anak waray pa gud pakaimod sin bisan nano nga butang. An sayu nga makasasala diri makakaimod sa himaya san Dios. Diri niya maaagian an dalan ngadto sa Dios. Nanginginahanglan siya sin kahayag. San tagan ni Cristo panan-aw adton buta nga tawo, an iya mga kasangkayan waray toohi iton. Sira nagsugad nga si Jesus sayu nga makasasala tungod nagbulong Siya sa adlaw nga iparahuway (v.16 ngan 24). An tawo sigurado nga siya nakakarawat sin kahayag nga si Jesus tikang sa Dios (v. 33). Ngan an nabulong nga lalaki ginpalayas sa sinagoga.

Si Cristo kinadto sini nga tawo agud buligan siya ngan igpadayag sa iya nga si Cristo mao an Anak san Dios (v. 35-37). An mga Fariseo nagpadayon dida sa ira kasisidman nga nagtotoo nga si Cristo sayu la nga tawo.

AN MAOPAY NGA MAGBARANTAY GINHAHATAG AN IYA KINABUHI PARA SAN MGA KARNERO, capitulo 10.

Si Jesus mao an maopay nga magbarantay nagtitipig ngan nagpapakaon san Iya mga karnero. Damu adton karuyag magkawat ngan igwarak an mga karnero (v. 10 ngan 11). An Maopay nga Magbarantay nagtitimangno ngan nagpoprotektar san Iya mga karnero. Si Cristo andam maghatag san Iya kinabuhi para sa mga karnero (v.11). Siya namatay sa krus para sa aton mga sala. An Amay nahigugma sa Iya tungod Iya iginhatag an Iya kinabuhi para sa aton (v. 17). Si Cristo may gahom paghatag san Iya kinabuhi ngan gahom pagbawi

siton utro. An Iya mga karnero mao adton namamati san Iya tingog ngan nasunod sa Iya (v.27).

Puwede ka magin sayu san Iya mga karnero kon ikaw mamamati san Iya tingog dida sa Ebanghelyo ngan bumaton. Kon ikaw bumaton, makakaangkon ka sin kinabuhi nga waray katangpusan ngan waray sin-o man nga makakakuha sa imo tikang sa kamot san Amay (v. 28,29). Si Cristo ngan an Iya Amay sayu la.

An mga Judio waray tumoo dida san Maopay nga Magbarantay; kondi damu an nagsunod kan Cristo (v. 42). Pareho gihapon yana. Damu nga mga tawo an nakabati ngan nakabasa san mga polong ni Cristo, An iba tinoo ngan naluwas. An iba diri natoo ngan sini nga rason sira mga nawawara.

Liksiyon 7

SILAZARO NGAN SI MARIA

Kasugoanan para sa estudyante:

1. Basaha an Juan, capitulo 11 ngan 12.
2. Basaha ini nga liksiyon.
3. Batuna an mga pangutana sa iksamen 7.

An Anak san Dios mao an Maopay nga Paragmangno. Iya iginhatag an Iya kinabuhi para sa mga karnero. Sira namamati san Iya tingug ngan nasunod sa Iya. Siya naghahatag sin kinabuhi nga waray katangpusan sa ngatanan nga natoo sa iya.

AN ANAK SAN DIOS NAGBANHAW SIN TAWO TIKANG SA MGA MINATAY, capitulo 11.

Didto sa bungto sa Bethania may duha nga magbugto nga babaye, si Maria ngan si Marta. Si Lazarus nga ira bugto nga lalaki nagkasakit ngan namatay (v. 4). Si Marta ngan si Maria maaram nga kon si Jesus nakada la an ira bugto waray konta mamatay (v.21-32). Si Jesus nagsugad ngadto kan Marta, “Ako an pagkabhaw ngan an kinabuhi: siya nga natoo sa akon, bisan siya mamatay, siya mabubuhi.

Si Cristo kinadto sa lubnganan ni Lazaro ngan nagbagaw sin daku nga tingog, “Lazaro kadi gowa”. Sini nga paagi si Lazaro nakakarawat kinabuhi, nabanhaw ngan ginawas tikang sa lubnganan sa atubangan nira. Ngan damu san mga Judio an nagtoo sa Iya kondi an mga Fariseo diri la gihapon natoo.

Ngatanan nga tawo mga magpakasala. Sira patay sa sala ngan waray sin kinabuhi. An Anak gudla an makakaghatag sin kinabuhi. Sayu sini nga mga adlaw, ngatanan nga mga tawo mababanhaw tikang sa mga minatay agud tumugbos sa atubangan san Dios. Ngan iton urhi na para san kaluwasan. Yana mao an panahon para maluwas.

AN IBA NGA MGA TAWO NAGHATAG PAGHIMAYA KAN JESUS, capitulo 12.

Iton natural na para kan Maria ngan Marta an maghigugma sa Ginoo tungod ginbanhaw ni Jesus an ira bugto. Sira naghimo sin panigab-i pagpasidungog kan Cristo, ngan si Maria nagpahid sin marahalon nga pahumot. Si Judas, sayu nga kawatan, ngan sayu san dose nga mga apostol, ginlibak an ginhimo ni Maria (v. 5).

Katima sini, si Cristo kinadto sa Jerusalem. Damu nga mga katawohan nagdara sin mga sanga san kahoy nga palmera ngan ginkarawat si Cristo dida sa mga kalye ngan gindayaw Siya (v.12-16). An iba nga mga Griego liwat nagpakadto agud maimdan si Cristo. Ginsumatan ni Cristo an katawohan nga iton kinahanglan para sa Iya an mamatay (v.24) An Dios nagbagaw tikang sa langit nagpapamatuod nga si Cristo Iya Anak ngan Siya ginhimaya pinaagi sa Iya. (v.28)

An iba nagtoo sa Iya pero nagkahadok sa mga Fariseo ngan waray igtug-an Siya (v.42). Mas ginhigugma nira an pagdayaw san tawo kaysa sa pagdayaw san Dios (v.43). Ginsugo san Dios an Iya Anak nganhi sa kalibutan ngan si Jesus nagsugad, "Siya nga natoo sa akon, diri sa akon natoo, kondi dida sa Iya nga nagsugo sa akon..." (v.44). Matoo ka ba sa Iya yana?

SI CRISTO NAGTUTDO SA IYA MGA DISIPULO

Kasugoanan sa estudyante:

1. Basaha an Juan, capitulo 13-14.
2. Basaha ini nga liksiyon.
3. Batuna an mga pakiana sa iksamen 8.

An Anak san Dios maaram san ngatanan nga mga butang. Maaram Siya san mga kasing-kasing san ngatanan nga natoo sa Iya! Maaram liwat Siya sa kada butang nga mahinanabu sa urhi. Kilala ni Cristo an Dios ngan makakapaimod sa mga tawo san dalan pakadto sa Dios.

SI CRISTO BINALIK NGADTO SA LANGIT, capitulo 13.

Si Cristo nagpakanhi tikang sa Dios ngan mabalik ngadto sa Iya (v. 3). Sugad man, Siya andam magin sayu nga surogoon ngan hugasan an mga siki san Iya mga disipulo.

Iginhatag ni Cristo an Iya kinabuhi ngan an Iya dugo agud limpyohan kita tikang san aton mga sala. Sa versikulo 10. Siya nagsugad nga an bisan sin-o nga nahugasan na nalimpyohan na an ngatanan. Ngan sa versikulo 15, nagsugad si Cristo nga kita angay magsirbi sa kada tagsa sugad nga Siya naghatag na sa aton sin susbaranan.

An Anak san Dios maaram kon sin-o an magtatrahidor sa Iya ngan magtutubyan sa Iya ngadto sa mga magpapatay sa Iya. Ini mao si Judas, sayu san mga disipulo. Si Juan sayu liwat nga disipulo, karuyag mahibaro kon sin-o iton. Si Jesus nagbaton nga adton akon tatagan san tinipik nga tinapay (v. 26). Si Pedro nagsugad nga iya ighahatag an iya kinabuhi para kan Cristo. Si Cristo nagbaton nga diri mag-iiha ididiwara Siya ni Pedro (v. 38).

SI CRISTO MABALIK UTRO, capitulo 14.

San sumatan san Ginoo an mga disipulo nga Siya mamatay, sira nasubu. Ngan Iya ginsumatan sira nga diri malisang kay siya mabalik utro (v.3).

Sa versikulo 6, an Anak san Dios nagsugad nga Siya mao gudla an dalan pakadto sa Langit. Iya pa gindugang nga waray sin-o man nga makakakadto sa Amay kondi pinaagi sa Iya. An dalan agud makakadto sa Amay, pinaagi gudla kan Cristo, sugad nga Siya an Dalan, an Kamatuoran, ngan an Kinabuhi. Waray na iba nga dalan. Nag-ampo si

Cristo ngadto sa Amay nga igpadara an Baraan nga Espiritu agud punuon adton mga nagtoo sa Iya. Kahuman ginbilln Niya sa ira an Iya kamurayaw, (v. 38).

An Dios nasina tungod san sala. Kondi kon imo karawaton si Cristo, pasasayloon san Dios an imo mga sala. Ngan imbis pagkahadlok, magkakamay-ada sin hingpit nga kamurayaw sa imo kasingkasing ngan kinabuhi. Duok kan Cristo yana!

Liksiyon 9

AN UNGOD NGA UBAS

Kasugoanan para sa estudyanto:

1. Basaha an Juan, capitulo 15 ngan 16.
2. Basaha ini nga liksiyon.
3. Batuna an mga pakiana sa iksamen 9.

PAONAN-O MAGIN MALIMPYO. capitulo 15

Si Jesus sugad san ubas o san lawas san kahoy nga naghahatag kinabuhi ngadto sa mga sanga. Sugad pa man, para magin souk kan Cristo, kinahanglan gud magin malimpyo An Sala an nagririgsok ngan naghuhugaw san aton kasingkasing, ngan an Dios nasisina san sala. Ngan paonan-o kita magigin souk kan Cristo?

Sa versikulo 3, aton mababasa nga puwede kita magin malimpyo pinaagi san polong. Nagtutdo si Cristo sin damu nga mga butang mahitungod san Dios dida sa Ebanghelyo sumala kan Juan. Hinumdumi nga Siya gintawag nga an Polong san Dios sa capitulo 1. Ini nga mga liksiyon ngan an Ebanghelyo sumala kan Juan magbubulig sa imo, agud mahibaruan nga an Polong san Dios makakahimo sin paglimpyo sa imo.

Sa versikulo 13 aton nakit-an nga waray sin-o man nga may darudako nga gugma kaysa sa iya nga naghatag san iya kinabuhi para san iya mga kasangkayan. Diri damu nga mga tawo an andam maghatag san ira kinabuhi para san gugma san sayu nga sangkay. Ngan an urosahon nga butang Iginhatag ni Cristo an Iya kinabuhi para san Iya mga kaaway. An gugma ni Cristo mas dako kaysa sa gugma san bisan sin-o nga tawo.

Sa luyo sin sini ngatanan, damu la gihapon nga mga tawo an nadiri sa Dios ngan nangakontra san Iya Anak. Siya nga nakontra sa Dios nakontra kan Cristo. Si Cristo mao an bugtong nga Anak san Dios ngan an dalan ngadto sa Dios Amay.

NAGTUTDO SI CRISTO SA MGA DISIPULO capitulo 16.

An trabaho san Baraan nga Espiritu mao an pagli-aw sadton nga natoo kan Cristo (v. 7). Ngan an trabaho liwat san Baraan nga Espiritu mao an pagpakila sa kalibutan san sala (v. 8). Kon imo nasasabtan nga ikaw sayu nga makasasala, tomoo ka kan Cristo yana.

Iginhatag san Amay an ngatanan nga mga butang ngadto sa Anak (v.15). Sini nga rason kita maaram nga an Dios nahigugma gud sa Anak. An resulta, an pagkarawat kan Cristo pagkarawat sa Dios, an pagsalikway kan Cristo pagsalikway sa Dios.

Utro sa versikulo 27, an Ginoo nagsugad sin klaro nga Siya nagtikang sa Amay, ngan mabalik ngadto sa Amay. Si Cristo mao an bugtong nga Anak san Dios, ngan Siya gudla an Manluluwas san kalibutan. An mga disipulo natoo nga si Cristo maaram sa ngatanan nga mga butang ngan nagtikang sa Dios (v.30). Natoo ka ba sini?

SI CRISTO NAG-AMPO PARA SAN IYA MGA DISIPULO

Kasugoanan para sa estudyante:

1. Basaha an Evaghelyo sumala kan Juan, capitulo 17.
2. Basaha ini nga liksiyon.
3. Batuna an mga pakiana sa iksamen 10.

Dinhi sini nga capitulo aton maaagian an mga polong nga igin-ampo ni Cristo ngadto sa Dios nga Iya Amay, (v. 11).

NANO AN KAN CRISTO GINBUHAT PARA SA ATON.
versikulo 1-8.

An Dios naghatag gahum ngadto sa Iya Anak, agud si Cristo makaghatag kinabuhi nga waray katangpusan (v.2). Waray na iba nga gintagan an Dios sini nga gahum. Si Cristo gudla an makakaghatag sa aton sin kinabuhi. An kinabuhi nga waray katapusan mao an makilala mo an ungod nga Dios ngan Manluluwas, si Jesu-Cristo, nga ginpadara san Dios (v.3). Makikilala mo si Cristo pinaagi sa Polong ngan magkamay-ada ka kinabuhi nga waray katangpusan.

Agud matagan kita sin kinabuhi, si Cristo naghatag san Iya kalugaringon nga kinabuhi. Igin establisar san Dios nga tungod san sala an ngatanan angay nga mamatay. Kita waray mahihimo agud luwason an aton mga kalugaringon. Ginbuhat na ni Cristo an trabahoon ngan gintapos an kada butang nga kinahanglanon agud matuman an aton kaluwasan, (v. 4). Ginhigugma gud kita san Dios nga Iya iginbutang ini nga trabahoon dida sa Iya Anak.

An Dios Amay naghatag mga polong ngadto kan Cristo sa paglibre sa aton (v.8). Si Cristo mao an Polong san Dios ngan nagpakanhi sa kalibutan pagsumat sa aton san gugma sa Dios. An mga disipulo nagkarawat sa mga Polong nga kan Cristo ginsumat. Sira tinoo nga si Cristo nagtikang sa Amay.

NANO AN KAN CRISTO GINBUBUHAT YANA PARA SA ATON, versikulo 9-21.

Si Cristo namatay tungod sa aton mga sala ngan nabanhaw tikang sa mga minatay. Pagkatapos, Siya binalik ngadto sa Amay didto sa Langit. Siya yana nalingkod sa may too nga kamot san Amay nga may

kahimayaan. Nano an ginbubuhat ni Cristo yana? Kon aton natitima na an trabahoon, kaurogan kita napahuway. Si Cristo Jesus yana nag-aampo para sadton natoo sa Iya (v. 9). Diri Siya napapagal o nanginginahanglan sin pahuway. Nag-aampo si Cristo adlaw ug gab-i waray tuuk-tuuk para san Iya gintatag-iyá. Diri na naton kinahanglan sin iba pa nga mag-ampo para sa aton. Diri na naton kinahanglan sin lalaki o babaye nga mamagitan tungod sa aton. Diri na naton kinahanglan mangumpisal san aton mga sala ngadto sa tawo, kondi ngadto sa Dios. An Dios gudla an makakapagpasaylo san sala. Si Jesu-Cristo mao an tagapamagitan san Dios ngan san katawohan.

NANO AN KAN CRISTO PAGBUBUHATON PARA SA ATON, versikulo 22-26.

Si Cristo naghigugma sa aton ngan namatay tungod sa aton. Waray ruhaduha, Iya karuyag sa aton nga makaupod Niya kon diin Siya. Sa versikulo 24 nag-ampo si Cristo nga makaupod kita Niya. An pakipag-upod kan Cristo diri magigin kompleto hasta kita magkaurupod. Si Cristo mabalik tungod sa aton, agud dad-on kita kaupod Niya ngadto sa atubangan san Amay. Hinigugma ko nga sangkay, kon waray mo pa karawata si Cristo sugad nga imo kalugaringon nga Manluluwas ikaw waray bahin dida sa Amay ngan sa Anak. Kay nano nga diri mo karawaton si Cristo yana?

Liksiyon 11

**SI CRISTO SAMTANG NAKADA SA DALAN
TIPAKADTO SA KRUS**

Kasugoanan para sa estudyante:

1. Basaha an Evanghelyo sumala kan Juan, capitulo 18 ngan 19.
2. Basaha sin maopay ini nga liksiyon.
3. Batuna an mga pakiana sa iksamen 11.

Ini nga liksiyon nagdadara sa aton san kamatayon ni Jesu-Cristo nga aton Ginoo. Bangin ikaw may-ada pangutana sa imo kalugaringon kon kay nano nga an sayu sugad san Anak san Dios kinahanglan nga mamatay. Aton nakit-an nga an Anak san Dios nahimo nga unod. Siya nagpakatawo agud mamatay para sa tawo.

SI CRISTO DIDA SA ATUBANGAN SAN MGA HUWES, capitulo 18, versikulo 1-27.

Katima mamagitan para sa mga disipulo, si Cristo kinadto sa sayu nga garden agud mag-ampo utro. Si Judas nakipagsabot sa mga kapadian, agud igtubyan si Cristo ngada sa ira mga kamot. An Ginoo waray umato o magporbar pagtakas. Siya bulontaryo nga nagsurlnder dida san mga nagpakada pag-aresto sa Iya.

Samtang si Cristo gin-iimbistigar, gindiwara ni Pedro an Ginoo sin makatulo ka bisis (versikulo 17,25,27).

SI CRISTO SA ATUBANGAN NI PILATO, capitulo 18 versikulo 18, capitulo 19 versikulo 16.

Karuyag patayon san mga Judio si Cristo pero waray katungod pagbuhat. Si Pilato mao an hukom sa Roma sa bug-os nga Israel ngan may-ada sin katungod. Si Pilato, katima makipag-istorya kan Cristo, kumbinsido nga si Cristo waray sala ngan naghingyap pagpalaya sa Iya. Kondi, an mga tawo hingyap an kamatayon ni Cristo. Ira ginkuligi an pagpalaya kan Barabbas, sayu nga tulisan (versikulo 40).

SI CRISTO NAMATAY DIDA SA KRUS capitulo 19 versikulo 17-42.

Si Cristo gindara ngadto sa gawas san bungto. An Iya mga kamot ngan mga siki iginraysang sa krus. Samtang nakada sa sobra nga kasakitan ngan pagantos dida sa krus, Iya nahinumduman an Iya iroy ngan naghimo sin kondisyon para sa iya (versikulo 26-28). Katapusan

Siya kinuligi, “Natapus na” (v. 30), ngan Iya itinubyan an espiritu. Inabot an sayu nga sundalo ngan ginbuno an Iya tagiliran san sugob. Tapos, si Josep nga taga Arimatea nagpresentar ngadto kan Pilato ngan gin-aro an lawas ni Jesus. Si Nicodemus kinadto ngan nagbulig kan Josep pagpreparar san lawas ni Cristo para ilubong, ngan para igbutang didto sa bag-o nga lubnganan harani sin sayu nga garden.

Aton naimdan kon paonan-o si Judas nagbulig sadton mga nasisina kan Jesus, ngan kon paonan-o ginhingyap san mga Judio an kamatayon ni Jesus, ngan kon paonan-o iginhatag ni Pilato si Jesus ngadto sa mga Judio para igraysang sa krus. Ikaw ba kaupod sadton mga nahigugma kan Cristo o sadton mga nasisina sa Iya?

SI CRISTO NABANHAW TIKANG SA MGA MINATAY

Kasugoanan para sa estudyante:

1. Basaha an Ebanghelyo sumala kan Juan, capitulo 20 ngan 21.
2. Basaha sin maopay ini mga liksiyon.
3. Batuna an mga pangutana sa iksamen 12.
4. Ipadara an mga iksamen la para sin pagkorektar.

An Polong san Dios nahimo nga unod ngan nag-istar sa butnga san katawohan. Iya iginpaimod sa kalibutan an gugma san Dios kondi ginkasinahan san kadam-an. Siya gindara sa atubangan san hukom ngan an mga tawo nakuligi para san iya kamatayon. Namatay si Cristo, kondi ginbanhaw Siya sa Dios tikang sa mga minatay.

SI MARIA MAGDALENA NAKAIMOD SA GINOO, capitulo 20 versikulo 1-18.

Atab pa san Domingo nga aga, si Maria Magdalena nagpakadto san ginlubngan san lawas san Ginoo Iya naimdan nga an bato gintanggal na dida sa ganghaan. Siya nagdalagan pagsumat kan Pedro ngan Juan nga an lawas waray na didto sa lugar nga ginbutangan.

An mga disipulo inuli sa ira balay ngan si Maria Magdalena nagpabilin sa gawas san lubnganan nga nagtitinangis. Si Jesus nagbagaw ngada sa iya, pero waray niya masabti nga iton mao na si Jesus (v. 16).

NAIMDAN SAN MGA DISIPULO AN GINOO capitulo 20, versikulo 19-31.

An mga disipulo nagkirigta sa sulod san sayu nga kuwarto nga sarado an portahan tungod sira nahahadluk sa mga Judio. An Ginoo nga si Jesus nagpakita sa ira butnga, nagpaimod sa ira nga Siya buhi. Iya ginkumusta sira sini nga mga polong “An kamurayaw maada sa iyo.” Ngan nalipay gud sira. Si Thomas diri nira kaupod siton nga panahon ngan waray tumoo nga an Ginoo nabanhaw na. Linabay an walo ka adlaw, an Ginoo nagpakita utro ngadto sa mga disipulo. Siton nga panahon si Tomas kaupod pa nira. An Ginoo nagpresintar san Iya kalugaringon labi na gud ngadto kan Tomas, tungod san diri niya pagtoo Ngan si Thomas kinuligi, “Ginoo ko ngan Dios ko.”

AN MGA DISIPULO KINADTO NANGISDA. capitulo 21.

Waray mag-iha an mga disipulo kinadto pangisda ngan nangisda bug-os nga gab-e. Kondi, waray sira nadakop. Pagka aga, ira naimdan an Ginoo natugbos sa baybayon takin san mga baga. Iya ginsumatan sira nga ighulog an pukot dida sa too nga parte san baluto. Sira nakadakop damo nga isda. Utro, ira nakilala nga iton mao an Ginoo. Gin-andam ni Cristo an isda ngan sira nangaon.

Katima sini, an Ginoo nagpakiana kan Pedro, “Simon, anak ni Jonas, nahigugma ka ba sa Akon labaw kaysa sini?” tulo ka bisis. Ngan an Ginoo nagsugad ngadto kan Pedro, “Pakaona an akon mga karnero (v.15-17)

An disipulo nga si Juan an nagsurat sini nga libro (v. 24).

Si Cristo nagtutdo liwat ngan nagbuhat sin mas damo pa kaysa san nakasurat dinhi sini nga libro (v. 25).

Kon ikaw magtoo kan Jesus sugad nga Anak san Dios, puwede ka maluwas yana ngan magkayaon kinabuhi nga waray katapusan.

NGAN YANA...

NANO AN MGA MASIJNOD?

Binabati ka namon nga natima mo ini nga pag-aradman san kinabuhi san aton Ginoo nga si Jesu-Cristo. Pakakarawat namon san imo mga iksamen,

amon iton kukuriktahan ngan igpapadara sa imo an masunod nga mga pag-aradman sini nga serye. May yaon damu pa nga mga pag-aradman nga amon ighahatag nga magiginkaopayan para sa imo espirituhanon nga kinabuhi.

Ini nga pag-aradman mao an una san serye nga ginhatag pinaagi sa pakikipagsuratay san:

Educational Courses

P.O. Box 0623

Cagayan de Oro 9000

Mindanao, Philippines